

# IGNEA SPECULA,

Ardenter Amantium JESUM  
Crucifixum,

*In mensuris Exhortationibus,*

Congregationi Christi Agonizantis, Bambergæ  
proposita,

*Ut sodales illorum exemplis discant, IESUM crucifixum  
ardenter amare : ferventer orare : ☩  
sancte mori.*

AUCTORE

R. P. PHILIPPO KISELIO,  
è Soc. Jesu.



BAMBERGÆ,

Sumptibus IOANNIS ARNOLDI CHOLINI,

ANNO M. DC. LXIX.



# EXHORTATIO I.

## MENSE JANUARIO.

Primum Igneum Speculum. Vulneratum cor  
Jesu Crucifixi.

*Ignem veni mittere in terram, quid volo nisi ut accendatur.*

Luc. 12. cap. v. 49.

### SYNOPSIS EXHORTATIONIS.

- |  |   |
|--|---|
| <p>§. 1. Sodalibus Agonia, cum ap-<br/>preccatione novi anni prostre-<br/>na offert, Ignea specula, arden-<br/>tium Amatorum Jesu Cruci-<br/>fixi.</p> <p>§. 2. In tali speculo proponit, quo-<br/>modo sub oratione rosarii quin-<br/>que Vulnerum, profelici morte<br/>benedicta Vulnera riganda sint<br/>lacrymis, &amp; igneo torrente, in-<br/>ter accensas aspirationes.</p> <p>§. 3. Alterum speculum repræ-<br/>sentat, erumpentem è pectore</p> | <p>orationem, velut rubram &amp;<br/>sanguineam flammam, evolan-<br/>tem in altum.</p> <p>§. 4. Patri Francisco Acoſta de Soc.<br/>Jesu, speculum orantis, cum<br/>magna perfectione, fuit Mag-<br/>dalena sub cruce.</p> <p>§. 5. Ut talis oratio, simul sit<br/>munda &amp; pura, inspicendum<br/>prius est speculum conscientie,<br/>&amp; si quid sit quod displiceat<br/>Christo crucifixo, per actum<br/>contritionis illud abolendū est.</p> |
|--|---|

**S**odalibus quoque sanctæ hujus congregationis agonizæ <sup>§. 1.</sup>  
Christi Redemptoris nostri, annum hunc novum Mille- <sup>Sodalibus</sup>  
simum Sexcentessimum Sexagesimum sextum, precor <sup>agonia cum</sup>  
faustif- <sup>apprecat-</sup>  
tione novi

*amant, pro  
strenua offerre  
igneum spe-  
culum arden-  
tium ama-  
torum Iesu  
crucifixi.*

faustissimum & felicissimum; & iis præsertim, qui ex ingenti præsentium numero hoc anno morituri sunt, ut per sanctam mortem ordiantur initium anni beatissimi, sive felicissimæ æternitatis. In signum faustæ appreciationis offeram spiritua-lem strenuam, quam sumpsi ex thesauris Jesu crucifixi, ex sanctissimis ejus Vulneribus, & præsertim ex ardenti ejus pectore, atque accenso corde, Ignea, vel ustoria specula; in quibus decursu hujus anni, si Deo ita placet, vobis proponam, sancta exempla, teneras devotiones, ardentes orationes, ferventes affectus, ardentium amatorum Jesu crucifixi, ut ab illis & nos discamus, illum ardentiter amare, & ferventer orare, hoc potissimum sine, ut obtineamus sanctam mortem, hæc duo discite; amare Christum, & bene orare, sic discetis bene mori.

§ 2.

*In tali spe-  
culo propo-  
nitur, quomo-  
do sub ora-  
tione Rosa-  
rii, Vulnera  
Christi  
regenda  
sint lacry-  
marum &  
igneo tor-  
pente inter  
ardentes  
aspirationes  
nos.*

Igneum speculum, sive ardens amator crucifixi fuit ille Religiosus, cujus mortem Historia Vitæ his verbis describit: Crucifixum extremis temporibus sibi porrectum, multis lacrymis irrigavit; singula Vulnera torrente quodam igneo visus aspergere, inter suspiria, & aspirationes, inflammati cordis testes. In hoc speculo, cupio ut advertamus, quomodo paulo post orandum nobis sit Rosarium quinque sanctissimorum Vulnerum, pro felici morte, & qua ratione Christum pendentem in cruce amare possimus. Non sine causa, ut videtis, in cæteribus hujus congregationis, omnibus spectanda proponitur imago crucifixi; modo hoc cupio; sub prima & altera decade Rosarii oculos vestros figite in Vulnera sanctissimorum pedum; sub tertia & quarta decade elevare illos altius, ad vulneratas & sanguineas ejus manus, fixis oculis, illas aspici- te; sub ultima decade ipsum Vulneratum latus & cor crucifixi inspicite; præter hanc devotionem oculorum, duo desidero sub ipsa oratione; hinc, ut illa sit madida tenerrimis lacrymis contriti cordis, ut tam dulci aqua sacrosancta illa Vulnera irrigentur; quoties dicetis, *Benedictus fructus ventris tui Iesus*; intus in corde suspirare, gemere, O bone Jesu, cur unquam te offendi! doleo: doleo: hæc suspiria sunt lacrymæ cordis, quibus irrigantur Vulnera crucifixi; hæc suspiria sunt actus perfectissimi amoris, erga eundem

eundem, & simul excellentissima oratio. Sic ex igneo hoc speculo, discite amare, sic discite orare; sic discetis mori! Ex altera parte desidero eandem orationem Rosarii, esse ita ardentem & accensam; id est, verba Rosarii SS. Vulnerum proferri debent, tanta attentione, tanta devotione, cum tam ferventibus suspiriis & affectibus; ut ex ore, de lingua, ex præcordiis pectoris, ex fundo cordis erumpat velut igneus torrens, fluens super cicatrices SS. Vulnerum in prima & altera decade super vulneratos pedes, in tertia & quarta, super sanguineas manus, in ultima ille torrens refluat in fornacem ardentis amoris, in cor crucifixi. Igneæ guttulæ, ignei torrentis, igneæ orationis sunt, Jesu amo te! Jesu amo te! Hæ guttulæ simul sunt interpretes inflammari cordis. Contemplamini bene igneum hoc speculum, ut ex illo discatis, sic amare crucifixum, sic orare: sic sanctè mori.

Ignitum speculum, ardens amator crucifixi, fuit ille Religiosus, cujus in agone pectus ultro apertum dissiliit, & ex illo visa est egredi rubra & sanguinea flamma, quæ sursum in cœlum sublimis, volatu igneo splendens abiit, eorumque qui hæc spectaverunt corda, mirum in modum accendit. Videte in hoc speculo, quomodo debeamus orare Rosarium sacrosanct. Vulnerum, pro felici morte; sub prima & secunda orationem Dominicam & salutationem Angelicam, cupio ut simul intus se aperiant pectora & corda, ut inde ad illa sanctissima Vulnere egrediantur igneæ & sanguineæ flammæ, vel scintillæ igneæ! ob flammam amoris erga crucifixum; Rubræ! ob memoriam preciosissimi sanguinis, quem in cruce pro nobis effudit. O jucundum angelis nostris Tutelaribus spectaculum, cum paulò post videbunt, tot sancta desideria, tot actus amoris erga crucifixum, igneo volatu abire sursum, ad pedes, ad manus, & præcipuè ad dulcissimum cor Christi. Habeo icunculam, in quâ coram crucifixo stetit S. Ignatius; sed ex ardenti ejus pectore, ipsum cor, cum duabus igneis alis evolat sursum ad cor Salvatoris. sic amemus Christum D. His igneis caritatis alis evolent in altum corda nostra; sic oremus, & morie-

aliud speculum  
ostendit  
arum pectus  
tam e pectore  
re orationem,  
velut rubram & sanguineam flammam  
volantem in cœlum.

moriemur sancte. Christus ipse in agonia mortis, in cruce sic amavit, sic oravit, sic mortuus est. Verum est, materialiter & realiter, post mortem, postquam in cruce expiravit, Longinus lancea aperuit latus ejus; sed dudum ante mortem idem pectus, idem cor apertum fuit à latentissimis flammis amoris erga Patrem cœlestem, & erga peccatores. Abundo solatio cum videre mihi videor, quam igneæ flammæ, qualis actus amoris integro trihorio Agoniæ mortis, evolarint in altum, ex pectore & corde Christi; & quales flammæ eruperint ex igneo illo ore, Pater &c. Sic amemus, sic oremus; hoc est, discere mori.

§. 4.  
P. Franciscus Acosta è Soc. Jesu, & simul peculiaris amator S. Mariæ Magdalena. Tenerrimam sensit devotionem, vir pius, cum viva phantasia sibi repræsentabat, Magdalenam, vel stantem, vel sedentem in monte Calvariæ sub cruce cum afflictissima Matre Maria; videre sibi vilis fuit lacrymas, quæ fluxerunt ex oculis Magdalena; audire ejus gemitus & suspiria, Ah Jesu! mi Jesu: & conabatur ipse cum illa flere, gemere, & suspirare, mi Jesu! mi Jesu. Cum Magdalena, piis oculis jam aspiciebat vulneratas manus, jam caput coronatum spinis, jam faciem plenam sputis, & præcipuè sanctissimos pedes, cum ardentissimis affectibus contritionis, & amoris. Sic amavit! sic oravit! de morte ait historia; quod animam expiravit in dulce latus Salvatoris, inter admiranda & inflammata colloquia cum Christo crucifixo. Mihi, sodales amantissimi, nostrum Rosarium nil aliud est, quam pium colloquium cum Christo comprehenso inter angustias mortis & Matre ejus dolorosa. Jam jam illud incipiemus; sed opto ego ut sit admirandum & inflammatum Ut inflammetur! amate cum Magd. cum illa gemite; O quales ejus gemitus, quales flammæ amoris: cum deposito corpore illi licuit osculari illa vulnera, cum spinam coronam vel clavos sumpsit in manus &c. sic amemus! sic oremus! sic moriemur sancte.

§. 5.  
Adverto vos dispositos ad orationem; hoc tantum monco;

§. 5.  
Ad talu

neo; Amatores crucifixi, oraturi, prius coram crucifixo se ipsos <sup>oratio fit si-</sup>  
 inspiciunt, speculum scilicet conscientiarum; ut videant, an <sup>mul para</sup>  
 aliquid sit, quod, si sibi moriendum esset, aliquam anxietatem <sup>& munda,</sup>  
 afferre posset, sive, an aliquid in corde lateat, quo Christo cru- <sup>inspicien-</sup>  
 cifixo displiceant; si quid occurrat, statim per actum contritio- <sup>dum prius</sup>  
 nis illud abolere conantur, ut hoc modo prius in sanguine <sup>est specu-</sup>  
 Christi, corda super nivem dealbentur. Addit pius aliquis <sup>lum con-</sup>  
 libellus, hoc examen ante orationem, moribundis aliquando <sup>scientia, &</sup>  
 fore ingenti solatio. Idem ergo breviter faciamus ante ora- <sup>si quid sit,</sup>  
 tionem nostri Rosarii; coram hoc crucifixo, inspiciamus nos <sup>quod displice-</sup>  
 ipsos; statim conscientia timens Deum nobis suggeret, si ali- <sup>et Christo</sup>  
 quid sit, quod Christo displiceat; illud eluamus per ferventem <sup>crucifixo,</sup>  
 actum contritionis, eluamus lacrymis contriti cordis, eluamus <sup>per alium</sup>  
 precioso Christi sanguine. Oratione munda & accensa, ama- <sup>contritio-</sup>  
 tores crucifixi, sodales hujus congregationis, infallibiliter ob- <sup>ni illud</sup>  
 tinent sanctam mortem. <sup>abolendum</sup>  
<sup>est,</sup>



## EXHORTATIO II.

### MENSE FEBRUARIO.

Secundum igneum speculum. Imago crucifixi, accendens animas devotas ad ferventem orationem.

*Ignem veni mittere in terram, quid volo nisi ut accendatur.*

Luc. 12. v. 49.

#### SYNOPSIS EXHORTATIONIS.

§. 1. <i>Christus crucifixus, instar ignis speculi suos accendit amatores.</i>	§. 2. <i>Idea Christi pendentis in cruce, in visione objecta fuit Dominico de Cunha pictori.</i>
--	--

§. 3. *lus-*

§. 3. *Iussus fuit à Christo Domino, conjungere se sanguini crucifixi.*

*pro se habet, non habet, quod timeat.*

§. 4. *Qui Christum crucifixum*

*§. 5. Crucifixus dignatus fuit Dominicum amplexari.*

§. 1.  
*Christus crucifixus  
instar ignis  
in speculi.  
suos accendit  
amatores.*

**R**Eferunt historix, tempore Anastasii Imperatoris, fuisse artificem, nomine Proclum, artis tam exquisitæ, ut ingentia fecerit specula ustoria, quæ in maritimorum portuum turribus exposita, emissis à se flammis, longe in mari dissitas naves accenderint & combusserint. Simili speculo soli opposito dicitur Archimedes accendisse naves Marcelli, Romani Ducis. Non disputabo modo, an probabile sit, talia specula ab arte confici posse: hoc mihi certum est, speculum planè ignitum esse Jesum pendentem in cruce; in qua omnes amoris sui radios in unum cogens, eos omnes in benedicto corde in unam univit flammam; & ex eodem ignitos vibrans & ejaculans radios, amatorum suorum corda inflammat, & ipsa quoque in ignea convertit specula; quorum multa oculis vestris (uti pro strenua promisi,) hoc anno mex exhortationes menstruæ proponent. Legi hisce diebus celebris alicujus concionatoris, conciones fuisse ardentissimas, eo quod solitus fuerit eas disponere, scribere, discere etiam flexis genibus ad lumen crucifixi; crucifixus illi fuit quasi lucens & ardens lampas: fateor; quæ hâc exhortatione dicturus sum, de ignitissimo quodam speculo, de ardentissimo amatore Jesu crucifixi, ad ejusdem lumen, coram hâc lampade, ad lucem radiorum, quos ex sanctissimis quinque Vulneribus, præsertim illo ardenti clibano accensi cordis, ardens Jesus emittit, conatus sum legere, scribere, discere; nam cathedram hanc ascendi, ignem mittere in corda meorum sodalium; neque aliud enim volo, quàm ut ille ignis in nobis accendatur; ut tandem illo igne omnes per mortem sanctam comburamur: sive, hoc opto, ut spiritum nostrum aliquando tradamus in manus Salvatoris, inter ferventissimos actus ardentis amoris erga Jesum crucifixum.

**Ignem**



Igneum speculum hujus exhortationis, proponet oculis vestris, Religiosum pictorem è Soc. Jesu, Dominicum de Cunha; occasio ardentis amoris erga Christum crucifixum, illi fuit ars pingendi, in qua excelluit. Cum enim frequenter sanctis cogitationibus phantasie suæ imprimeret imaginem & ideam, secundum quam ad vivum depingere vellet suum amorem, suum dilectum pendentem in cruce; in viva quadam mentis representatione, videre sibi visus est Christum D. prout in cruce in monte Calvarie pendit, divinam præcipue faciem sanguine plenam, tristes oculos, laceratas genas, & hiantia in pedibus, in manibus, totoque corpore Vulnera : neque tandem videre illa sibi visus fuit, sed tangere quoque, atque amplexari. Ingenti repletus fuit solatio, cum sensit Christum D. de cruce, transire in cor suum, capereque ibi sedem & habitationem. Nos modò hic coram crucifixo, & Venerabili Sacramento congregati sumus, ut recitatione Rosarii quinque SS. Vulnerum petamus sanctam mortem. Sto in hac cathedra, ut prius ignem mittam in corda vestra, ut vos moveam ad ferventem orationem, itaque hoc cupio, ut prius sitis excellentes pictores. cupio ut prius cogiteris, & phantasie vestræ fortiter imprimatis ideam, secundum quam, crucifixum in cordibus vestris vultis depingere; id est, in viva quadam mentis imagine, cogitate vos videre Christum pendentem in cruce : cogitate cum tenerrima compassione, cum dolore contriti cordis, vos videre jam faciem, jam oculos, jam genas: sub prima & secunda decade Rosarii, cogitate vos videre, palpare Vulnera pedum; sub tertia & quarta decade Vulnera manuum; in fine Rosarii conjicite vestros oculos in hians Vulnus aperti pectoris, & cordis; cogitate inde animam expirantis Jesu intrare in corda vestra, ut ibi quiescat, & sepeliatur. Hoc speculum accendat ignem in cordibus vestris; hoc volo !

Cum idem Dominicus ferventer oraret coram imagine crucifixi, sæpius de cælo audivit hanc vocem : Age, perge de solatio in solatium, teque conjunge sanguini Christi Salvatoris. Ex quo spiritali contactu, deinceps cordi ipsius quasi adhæ-

B

fit, con-

§. 1.  
Idea Christi  
pendentis in cruce,  
in visione  
objecta fuit  
Dominico  
de Cunha  
pictori.

§. 2.  
Iussus fuit  
à Christo D.  
conjungere  
se sanguini  
crucifixi.

fit, continua, suavis, & dulcis memoria præsentis Jesu crucifixi: cum continuis scintillulis & flammulis amoris, quo Dominicus flagrabat erga suum dilectum. Gratulor meis sodalibus; mox sub recitatione Rosarii pergent de solatio, in solatium. Solatium invenietis in SS. Vulneribus pedum; majus, in vulneratis manibus, maximam consolationem reperietis in suavissimo corde crucifixi: ut simul sub oratione inter hæc solatia ardeatis, conjungite vos prius sanguini Christi: sub prima & secunda decade, conjungite vos sanguini, qui in cruce fluxit ex SS. pedibus, deinde conjungite vos sanguini manuum; cum inflammatis suspiriis conjungite vos sanguini, qui stillavit ex dulcissimo corde dilecti vestri. Hic sanguis, non tantum lavat, sed etiam accendit.

§. 4.  
*Qui Christi-  
sum cruci-  
fixum pro  
se habet,  
non habet,  
quod si-  
meat.*

Alias in amœno horto orans coram crucifixo, sensit Dominicus, se vi divini amoris, non anima tantum & ignitis desideriiis, sed etiam corpore elevari in altum, & affigi cruci cum Christo, cum acri dolore in manibus & pedibus, quasi persentisceret penetrantes clavos; tum quoque hanc audivit vocem. Qui Deum habet apud se, & pro se, nihil est, quod vereatur Congregatio hæc, cujus sumus membra, nihil aliud est, quàm quidam paradysus & hortus, in quo mox coram crucifixo orabimus Rosarium SS. Vulnerum pro obtinenda felici morte. Utinam prius quædam vis ardentis amoris nos elevet in altum, ut cum Christo, saltem animo & piis cogitationibus affigamur cum Christo, cruci! Utinam & nos prius saltem in cordibus nostris intensum sentiamus dolorem! utinam clavi crucis nos quoque vulnerent & saucient, ut nobiscum & pro nobis sit Deus! O mi amantissime Jesu, has gratias petimus; ideo orabimus Rosarium, ut in nostro agone sis nobiscum. Mi Jesu! per angustias tuæ mortis; per tua Vulnera, mane tum nobiscum. O Mater tristissima; per mortem Filii tui obsecramus, impetra nobis hanc gratiam, ut in ultima lucta Filius tuus Jesus sit nobiscum, & pro nobis.

§. 5.  
*Crucifixum  
dignamur*

Restat favor ingens crucifixi, erga suum amatorem Dominicum: preciosa & suavis hujus fuit occupatio, multis horis  
orare

orare coram sanctissimo sacramento. Aliquando, O suavem <sup>fuit Domi-</sup> visionem! O ingentem favorem; vidit Christum D. ex SS. Ho- <sup>nium am-</sup> stia sibi prodire obviam, sensitque illum ruere in suos ample- <sup>plexari,</sup> xus; sensit cor suum conjungi & colligari cordi Jesu, sensit utrumque cor, veluti in clibano amoris distillari, & liquefieri in unum. Et quia paulò ante ex amore crucis in arduo objecto heroicè se vicerat, Christus D. ipsi dixit: Accipe hanc consolationem pro illa mortificatione. Congregationis hujus consuetudo est, ut saltem semel in mense coram sacros. Sacramento unam horam impendant orationi Rosarii. Sodales amantissimi: orate ferventer, ecce Christum D. de cruce, vel ex sacros. Sacramento in nostros ruit amplexus; ecce, offert Vulnera, ut illa exosculemur; cor crucifixi clibanus est, ut in illo corda nostra distillantur in unum cum corde Dilecti nostri. Pergite, orate devote; pro recitatione hujus Rosarii, hanc nobis donabit gratiam, & consolationem, ut aliquando moriamur sancte. (Potest continuari suavis affectus.)



## EXHORTATIO III.

### MENSE MARTIO.

Tertium Igneum Speculum, Sudarium  
S. Veronicæ,

*Respice in faciem Christi tui.*

Pl. 83. v. 10.

#### SYNOPSIS EXHORTATIONIS.

- |  |   |
|--|---|
| §. 1. <i>Adhortatio S. Theresia ad Religiosum Agonizantem.</i> | §. 2. <i>Requiris peculiarē devotionem erga sudarium S. Veronicæ.</i> |
|--|---|

B 2

§. 3. *In*

§. 3. *In itinere ad crucem & mortem Christus D. illud nobis reliquit in sui memoriam.*

§. 4. *Strophium Chlotildis.*

§. 5. *Strophium madidum lacrymis agonizanti feminae magno fuit solatio.*

§. 1.  
Adhortatio  
S. Theresia  
ad Religio-  
sum Ago-  
nizantem.

**C**UM olim Seraphica S. Theresia, advertit aliquem Religiosum sui Ordinis in agone graviter tentari, cum illum vidit comprehensum inter angustias mortis; his fere verbis illum fuit allocuta: *Scio fili te in vita semper fuisse devotum plerisque mysteriis Passionis, sed præcipuè Bajulationi crucis; scio qua devotione colueris profundum, latum, ingens & cruentum illud vulnus, quod pondus & agitatio crucis imprefsit humero Salvatoris usque ad ipsa ossa; scio te frequenter devotis oculis aspexisse vulneratam faciem, quam Christus Dominus in sudario S. Veronicæ reliquit. Fili jam in agone, respice illam faciem; fili, si diabolus te tentat, si horres mortem, si tremis in introitu æternitatis, jam recordare illius Vulneris, jam memento crucis & dolorum quos tuus Salvator pro te pertulit in crucis bajulatione. Revixit quasi moribundus, ad hæc verba, & plenus cœlestibus solatiis animam suam tradidit manibus Salvatoris.*

§. 2.  
Requis  
peculiarem  
devotio-  
nem erga  
sudarium  
S. Veroni-  
cæ.

Scio, sodales amantissimi, quàm sitis devoti diversis mysteriis Passionis; hæc exhortatione desidero, ut devotionem peculiarem concipiatis erga illud, quod apparatus altaris oculis vestris proponit, erga bajulationem crucis & præsertim cruentam faciem in sudario S. Veronicæ. Aspectu hujus faciei, veluti igneo speculo, cupio accendere vestros affectus, & orationem qua mox petemus felicem mortem: Paucis diebus ante Parasceven in urbe Jerosolyma non erat sermo nisi de signis, quæ faciebat Jesus, & præsertim de illò triumpho, quo hodierno die Palmarum inductus fuit in urbem: cum die Parasceves mane increbuit rumor, illum magnum Prophetam educi in montem Calvarie ut crucifigatur, tota urbs concurrat; quivis voluit esse spectator. Inter matronas pias etiam exiit in plateas S. Veronica, quæ dum in angulo plateæ intuita fuit

fuit caput Christi, coronatum spinis, faciem plenam vulneribus, sanguine, sputis, lacrymis, ex impulsu spiritus S. penetravit cuneum militum, & mundissimo linteo absterxit faciem ejus. Meditantur SS. Patres, Christum Dominum suavissimo aspectu, & inclinatione capitis sub pondere crucis Veronicæ egisse gratias. Non in hæreo modo illis motibus & affectibus, in quos piissima Matrona erupit, cum in linteo vidit vivis coloribus, sanguine, lacrymis, sputis depictam imaginem Salvatoris. Mæ intentioni, sive desiderio peculiaris devotionis, in me & vobis, erga sudarium Veronicæ, huic inquam intentioni servit, ut brevissimè vobis proponam aliquas causas ob quas Christus Dominus in sudario Veronicæ imaginem suæ faciei nobis reliquerit: suggerent illæ nobis aureas praxes, quibus animæ sanctæ se præparant ad sanctam mortem.

I. Cum subinde sponsus, à dilecta sponsa ob necessari-

um iter ad tempus avellitur; dum inter lacrymas & suspiria illi valedicit, solet illi dono offerre, depictam faciei suæ imaginem, ut in illa veluti speculo, sponsa suum sponsum quotidie intueatur, ne sponsi obliviscatur. Tales imagines sponsæ solent suspendere de collo, ante pectus, ut oculis continuo obversetur tam dulcis imago. Et mi Domine Jesu in hac bajulatione crucis (ut arferè verbis Cassiani de Medit. Pass.) *quo vadis? quo proficisceris, aridi ligni pondere prægravatus? quo portas? ad quid portas? ubi plantabis illud? locus in quem duceris, saxosus est, quomodo plantabis? quis irrigabit?* Mi Iesu, sic deseris dilectam sponsam? *Filia Sion*: ad tempus cogitur nos deferere; vadit ad montem Calvariæ, ut ibi plantet lignum vitæ; rigabit suo sanguine: vadit ut exeat ex hoc mundo ad Patrem: longum & difficile iter; sed O amabilem sponsum: ecce Veronicæ & nobis omnibus in strophiole relinquit sui imaginem, qualis tum fuit, percussa, vulnerata, saucia, plena sanguine, ut optimi sponsi nostri nunquam obliviscamur. Speculum nobis esse debet illa facies, ut accendat affectus nostri amoris, dies noctesque; sed præsertim sub

§. 3.  
In itinere  
ad crucem  
& mortem  
illud nobis  
relinquit  
hoc strophium  
in sui memoriam.



oratione ut ardens & fervens illa sit, oportet hoc speculum inspicere.

§. 4.  
*Strophio-  
lum Chlo-  
rildis.*

2. Chlotildis Filia primi Christiani Regis in Gallia, Clodovæi, desponsata fuit Gothorum Regi Ethnico, Amalerico. ex odio fidei Christianæ, quam in conjugē oderat impius Rex, iussit illam includi carceri & frequentissimè cædi flagellis, usque ad sanguinem. O afflictam Principem! nulli mortalium ad illum patebat accessus, ne fortassis per literas suo Parenti, potentissimo regi, deploratum suum statum exponeret. Indulgentia custodis contigit, ut unus ex servis Reginæ ad illius colloquium admissus fuerit, tum cum crudelia vulnera in regio corpore recenti stillarent sanguine; hoc cruore Chlotildis tinxit suum strophium, & famulo tradens dixit, Amice, miserere afflictissimæ Reginæ, miserere filiæ tui Regis! cum parenti scribere non liceat, ut intelligat, quantum patiar; vade, affer illi hoc strophium, in hoc illud leget; hic sanguis illi narrabit filiæ infortunium. Aspectu sanguinei hujus strophii, Clodovæus adeo fuit commotus, ut ingenti exercitu filiam suam ex carcere liberarit. Hoc fecit Rex regum in bajulatione crucis; tempus non fuit, ut Veronicæ narraret, quantum præterita nocte passus sit. ut tamen sciamus; ecce strophium non sanguine tantum tingit, sed vivam faciei suæ imaginem illi impressit: hoc sudarium nobis ostendit signa alaparum, quas accepit; vestigia colaphorum, quibus cæsus est. Videmus in illo sputa, quibus consputus est. Spinas quibus coronatum est caput: videmus laceras genas, tumida labia, oculos plenos lacrymis & sanguine: ah filiæ Sion! cum jam orabitis Rosarium, inspicite hoc speculum, orabitis ardentissime.

§. 5.  
*Strophio-  
lum ma-  
didum lacry-  
mis; agoni-  
zanti sæ-  
mina ma-  
gno fuisse  
latio.*

3. Solet etiam subinde sponfus, ingressurus longum iter, suæ dilectæ relinquere strophium madidum multis lacrymis; idem plane fecit sponfus animarum nostrarum Christus Jesus: sudarium suum recepit Veronica, non tantum cruentum sanguine, sed madidum tenerimis lacrymis, quibus pleni erant oculi, & facies Christi D. causa, ob quam id fecit, meis sodalibus magno debet esse solatio. Cum pia quædam sæmina in agone

agone coram tremendo Iudice à diabolo acriter accusaretur, ob enormia quædam peccata, licet illa multis contriti cordis lacrymis, & rigida pœnitentia expiasset; & toto corpore inter angustias mortis tremere, vidit tandem angelum custodem offerre CHRISTO Iudici strophium, madidum adhuc calidis lacrymis, quas ex dolore de offenso summo bono sæpe effuderat; quod strophium postquam ab eodem angelo custode, lanci divinæ Justitiæ gravibus ex una parte peccatis, fuit oppositum; peccata nullius fuerunt ponderis, dæmonesque fugati sunt. Ægra, magno cum solatio expiravit. Longe majorem thesaurum Christus D. nobis reliquit, in sudario Veronicæ, ut ille aliquando in agone nostro nobis sit solatio; tantine valoris coram tremendo Iudice sunt lacrymæ alicujus Magdalænæ plorantis ad pedes Christi, vel flentis alicujus Petri in antro pœnitentiæ? quanti valoris erunt lacrymæ, alapæ, colaphi quibus Jesus cæsus est; quanti meriti preciosus & divinus sanguis, cujus guttas in sudario Veronicæ nobis reliquit. O filiæ Sion, ita modo respicite in faciem Christi; illius intuitu ita accendite vestros affectus, contritionis, amoris; coram igneo hoc speculo, coram sanguinea hac facie, cum viva memoria tormentorum, quæ sponsum nostrum pro nobis, præsertim in sanctissima facie sustinuit, ita ardentem orate; ut aliquando quiete sanctam mortem obeatis.

EX-



## EXHORTATIO IV.

M E N S E   A P R I L I.

Quartum igneum speculum. Facies Christi Agonizantis, in monte Oliveti, sudans sanguinem.

*Tristis est anima mea usque ad mortem.*

Matt. 26. cap. v. 38.

## SYNOPSIS EXHORTATIONIS.

- |   |  |
|---|--|
| §. 1. Facies Christi D. Agonizantis sudans sanguinem appellari potest speculum. | homini agonizanti.   |
| §. 2. Varii sensus citati thematis, Tristis est anima mea.                      | §. 5. Christus D. agonizans expressit imaginem timoris, tristitia, &c. quam sustinebimus in agone. |
| §. 3. Alia verborum illorum explicatio.   | §. 6. Christus D. agonizans nos docet orationem.   |
| §. 4. Christus D. in monte Oliveti sub oratione fuit similis                    | §. 7. Quomodo oraverit.  |

§. 1.  
Facies  
Christi ago-  
nizantis,  
sudans san-  
guinem ap-  
pellari po-  
test, specu-  
lum, 1

**I**N priori exhortatione oculis vestris exhibui sudarium S. Veronicæ, cui amabilis Jesus in signum amoris, in bajulatione crucis, laceram, sauciam & sanguineam faciem suam impressit; Dixi, imaginem hanc piis animabus esse igneum quoddam speculum, in quo dum intuentur quid Salvator noster pro nobis passus sit, suaviter accenduntur, ut illum sponsum redament & ardentem orent. Meo iudicio, hoc vespere ardentius speculum proponere non possum quam faciem Christi in agonia sudantem sanguinem; in hoc speculo mentis oculo contemplamini (ut utar verbis B. Laur. Iust.) Redemptorem vestrum, Regem-



*Regemque calorū, Orantem, paventem, tristem, mæstum, agonizantem, sanguine sudantem, non tamen sine profluvio lacrymarum, id est, cum tenera compassione; Et hoc quoque igneum sanguineumque speculum, & corda vestra, & orationem vestram, hac hora congregationis agoniz, suavissime accendat.*

Lemma hujus speculi hac exhortatione erunt verba <sup>S. 2.</sup> Christi, quæ dixit ad discipulos. *Tristis est anima mea usque ad <sup>varii sensus citati</sup> mortem.* Tristis est anima ejus, id est; *Est in laboribus* Psal. 87. <sup>thomasi,</sup> secundum aliam lectionem, *In doloribus.* dicamus ex Genesi, <sup>Tristis est anima mea</sup> *in sudore vultus*, sed sanguineo. sive ex S. Bernard. *Est jam in <sup>&c.</sup> cruce, in pena, in amaritudine, in angustia;* In tremore cordis & totius corporis ob timorem, quo obrutus est, ob pavorem; S. Eustachius M. in ingenti afflictione, cum vidit à leone rapi sibi filium dixit, *Medium cor meum tetigit dolor.* Hoc vespere Jesu occurrit terribilis Mors, jam est in via terribilis cito gradu; Medium cor ejus tetigit, dolor, tristitia &c. p. Medium benignissimi cordis est plenum angustiiis. Cap. 4. v. 19. in gravi tristitia dixit Jeremias, *sensus cordis mei turbati sunt in me;* Christus D. ipse usus fuit hoc verbo, anima mea turbata est. Hoc vespere in agonia medium cordis turbatum est; (fiat p. inductio de sensibus, v. g. in oculis jam sunt virgæ &c. in auribus illæ voces, crucifige, sanguis ejus &c. in gustu, myrrha, fel, & acetum &c. Sed dolor acutissimus in medio cordis, in anima tristis est anima ejus.

Tristis est anima ejus, id est, ex mente Sophoniæ cap. 3. <sup>S. 3.</sup> *dulcis Dominus Iesus versus est in amaritudinem.* Cor ejus <sup>Alia verborum illorum explicatio.</sup> *mutatum est in absynthium*, quæ est herba amarissima. Blossius ait, si quem Deus permitteret videre peccata sua, sicut ipse ea videt, mox præ dolore rumpendum cor illius, aut sensibus eundem destituentum, ubi aspiceret quanta injuria, & quanto contemptu affecerit creatorem, Redemptorem, Deum ac Dominum suum. Quas rupturas, quæ deliquia putamus fuisse in corde Christi, dum se vidit in conspectu Patris ex infinito amore & sua voluntate reum omnium scelerum quibus unquam læsa fuit divina Majestas, præsertim cum clarissimè intueretur, Quid sit Deum.

Deum offendi vel unico peccato mortali. Rupturæ, scissuræ, deliquia fuerunt in medio cordis Jesu: *cum ultro tantum sibi assumpseris dolorem cordis, ac si ipse ea perpetrasset.* Ad Gal. cap. 6. v. 14. ait S. Paulus. *Mihi autem absit &c.* & quæ fuit illa crux? Resp. S. Bern. ser. 7. de quadr. Tanta prospiciens flagitia & mala in mundo tam dirè cruciatur, & torquetur, ac si cruce & patibulo affixus esset. Applica p. Christo agonizanti.

S. 4.  
Christus D.  
in monte  
Olivetis suis  
simili bo-  
mini ago-  
nizanti.

Tristis fuit anima Jesu, id est Ore pallido mortis speciem spiranti in corpore protulit. Sive talis jacuit super faciem in terra Oliveti, quales jacere solent agonizantes &c. In timore suo dixit Job, c. 6. v. 3. & 4. *Verba mea dolore sunt plena, quia sagitta Domini in me sunt; quarum indignatio ebibit spiritum meum, & terrores Domini militant contra me.* Videte in sanguineo speculo Jesum vestrum Ag. An non verba sunt plena dolore: an non sagittæ &c. applica p. Hoc vespere Divina Justitia, *collegit* (Job. c. 16. v. 10.) *furorẽ suum* in corde Jesu, & *comminans illi*, per Judæos &c. *infremis contra eum dentibus suis; terribilibus oculis in- tuetur illum.* hinc ille dolor; ille timor, ille pavor &c. in anima & medio cordis Jesu. Abulensis. *Necessẽ fuit hanc imaginariam apprehensionem in Christo* (ex una parte de malitia culpæ, ex altera, de gravitate pœnæ à se sustinendæ, de virgis, de spinis &c.) *fuisse super ceteras curarum moles, inastimabiliter afflictivam, ita ut nihil unquam quantumvis horridum, atq; tremendum aliorum hominum imaginatione comprehensum, huic poterit adæquari.* sine miraculo in his cogitationibus vivere non potuisset. hinc tandem agonia, sudor copiosus, & illo deficiente, tandem sudor sanguineus. Non patitur tempus, ut hæc latius modo describam, Inspecte speculum, sanguineam Jesu agonizantis faciem, & facile agnoscetis, quam tristis, quàm pœnosa fuit agonia Christi.

S. 5.  
Christum  
agonizantẽ  
expressit  
imagine  
ei moris tri-  
stis in &c.

Sed hoc præcipuè hoc vespere oculos nostros reflectamus S. Greg. *Mentis nostræ certamen* (in hoc speculo) *expressit, & imaginem quandam, terroris & formidinis, quam patiemur, cum persolutionem carnis aeterno iudici propinquabimus:* Fuit Jesus in laboribus in doloribus, sudore quasi in cruce, in pœna, in amaritudine,

tudine, in angustia. Hæc contingunt agonizantibus; agonia nostra aliquando erit gravis crux. Medium cordis Jesu tetigit dolor; hoc fit agonizantibus. Anima Jesu fuit turbata! Ourbationes agonizantium, præsertim impiorum! In corde Jesu, fuit absynthium; amarissimam hanc herbam omnes aliquando gustabimus. In agone agnoscemus nostra scelera &c. Audimus quotidie quo dolore, quo timore, &c. plena sint verba agonizantium, qui terrores contra illos militent, varia signa externa ostendunt, quæ sagittæ hæreant in corde &c. Quid ergo faciemus.

In igneo & sang. speculo sudantis sanguine Jesu, intuemini Orantem; timer, sed orat; pavit, sed orat; tremit gemit, simul orat (hoc modo fiat p. inductio) Irruit in illum pavor! orat; agonizat, Orat &c. Si efficacius medium esset obtinendi S. mortem Christus D. nos docuisset. O felices, meos sodales! qui &c. S. Thomas. *Oravit, ut daret nobis exemplum, ut in tribulatione recurramus ad Dominum* in omni tribulatione, quanto magis in tribulatione, quæ in agone nos obruet; & quidem dum orare possumus. S. Bonav. in c. 22. v. 40, S. Lucæ. *Dominus sollicitè* (breviter ponit modum, quo hoc vespere in monte Oliveti Jesus oravit) *orabat, & ad orationem discipulos sollicitabat, ut doceret, sollicitè orandum* (p. modo quo Christus oravit) *propter imminentiâ pericula.* Omnes dicere possumus cum sancto rege Josaphat 2. Paral. 20. v. 11. *Deus noster! -- in nobis quidem non est tanta fortitudo, ut possimus huic multitudini resistere, quæ irruit super nos. Sed cum ignoremus quid agere debeamus, hoc solum habemus residui, ut oculos nostros dirigamus ad te.* sive ut ardentè oremus. Nam, ut S. Laur. Justin. querit, de triumph. Christi agone c. 6. *Validioribusne, quàm Christus succinctus es armis? Nunquid tu Christo fortior, aut Salvatore constanter? Ille in agone constitutus ad orationis solatium reclinavit, tu absque oratione -- mori cogitas?*

De oratione Christi in horto ait Dion. Carth. *Preces supplicationesque ad eum qui possit illum salvum facere à morte, cum clamore valido, & lacrymis offerens, dico enim, (S. Thomas) necessaria*

faria sunt oranti, fervens affectio; item dolor & gemitus. Christus autem ista duo habuit, ideo propter primum dicit, cum clamore valido. Secundum cum dicit, cum lacrymis; & exauditus est pro reverentia sua. Sic oremus & exaudiemur. Neque hanc materiam in brevi exhortatione prosequi possum; moneo tantum, ferventer nobis esse orandum, præsertim modo &c. ut ardentem fiat, inspiciamus Igneum speculum, inspiciamus faciem sanguineam Jesu. Jesu pietatis nomen est, in hoc nomine pietatis (Albertus M.) dulcescit oratio, & fiducia datur impetrandi. Spero statim orationem Rosarii fore dulcem in nomine Jesu, in memoria sanguinei sudoris &c. Gilb. Abbas; si tibi fortassis initio sicca & saxeæ videatur, oleum tamen gratiarum elicies de hoc saxo durissimo, tantum si perseveres (fiat p. Epilogus) percutiamus Vulnere Christi &c.



## EXHORTATIO V.

### M E N S E   M A J O.

Quantum Igneum Speculum. Crucifixus, suis amatoribus promittens assistentiam in morte..

*Ignem veni mittere in terram, quid volo, nisi ut accendatur.*

Luc. 12. cap. v. 49.

#### SYNOPSIS EXHORTATIONIS.

- |  |  |
|--|--|
| <p>§. 1. Optat auctor, ut exhortatio hæc sit scintilla discurrens, aut ardens facula, aut ignis, accendens corda sodalium.</p> | <p>§. 2. Crucifixus, est candida &amp; rubicunda charta, ut illi inscribamur nostras petitiones, præsertim illas, ut placeamus Deo, &amp; san-</p> |
|--|--|



*& sancte moriamur.*

§. 3. *Cælestis visio de Christo D.  
B. Virgine & S. Ignatio, in qua  
Christus D. illi promissit, se fore*

*Societati propitium.*

§. 4. *Talis quoque erit in agone,  
sodalibus sua Agonia in  
Cruce.*

**A**Udivi aliquādo encomium celebris concionatoris, de quo dictum fuit ex Sap. c. 3. quod in arundinetis, sive per pagos, oppida, urbes discurrerit veluti scintilla; <sup>§. 1. Optat au-  
tor, ut ex-  
hortatio  
hæc sit scin-  
tilla dis-  
currens,  
aut ardens  
facula, au-  
gnis, ac-  
cendens  
corda soda-  
lium,</sup> nam quemadmodum ignis arundines, sic ipse suo ardore dicendi inflammavit corda hominum, igne divini amoris. Adverto ego me esse in amœnissimo horto sanctissimæ hujus congregationis; nisi malitis ut dicam nos cogitationibus saltem, & desideriis, versari vel in horto Gethsemani, in quo Christus Salvator noster in agonia mortis, sanguinem sudavit, vel in colle Calvariæ, in quo pendens in cruce pro nobis mortuus est: in quibus hortis? in quo monte? sodales mei esse cupiunt, an desideratis esse rosæ, resperæ precioso sanguine crucifixi? an lilia, candida ab ejus lacrymis? An palmites alligati palo SS. Crucis? Itane mei sodales? vos estis rosæ, lilia, violæ, palmites? quid si aliqui sint arundines agitata vento vanitatis? utinam itaque præsens mea exhortatio sit plena scintillis! utinam sermo meus sit ignitus, utinam ardeat, ut facula, ut discurrat per hoc templum, per omnes angulos, per has rosas, per hos flores, per has arbores, per corda vestra! utinam penetret animas vestras, ut omnes accendat flamma amoris erga Jesum crucifixum. Ideo huc veni, ut hunc ignem accendam, ut obtineam, ut ferventi oratione ab eodem peramus sanctam mortem. In eundem finem, iterum oculis vestris proponam, ignita aliqua specula ardentem amantium crucifixum, & ferventer orantium.

Fuit Vallisoleti in Hispania ardens amator crucifixi, <sup>§. 2. crucifixus  
est candidus  
& rubi-  
canda  
charta, no-  
biscum inferi-  
tatem no-  
stram peti.</sup> cui Christus Dominus cum ferventer oraret, appatens in throno suæ Majestatis, porrexerat candidissimam chartam, jussitque in illa scribere, quasunque vellet petitiones, juxta promissionem Christi dudum factam, Joan. 16. v. 24. *Petite & accipietis*; Vir sanctus inter alia petiit hæc duo; gratiam, ut

*sionem. pra  
sertim il  
lum, ut pla  
ceamus  
Deo, &  
sanctè mo  
riamur.*

semper id faceret, quod placeret Deo; denique, sanctè moreretur. Annuit Christus, & loco subscriptionis in illa charta apparuere scripta hæc verba: *Iesus Christus, Deus & verus Homo.* Eadem scedula à Christo D. tradita fuit angelo custodi asseruanda in horam mortis, pro ingenti consolatione morientis clientis. Cum hæc legerem, mihi incidit, quod sæpius legi in SS. Patribus; sanctissimam Christi Humanitatem, & benedicta membra divini corporis, quale illud pependit in cruce, vocari divinam chartam, in qua D. Justitia scripsit characteres; calami fuerunt flagella, fustes, spinæ, clavi; atramentum, sputa, sanguis, lacrymæ; quibus legere possumus, quàm atrox malum sit malitia peccati mortalis, quod in divino corpore, D. Justitia ita castigavit. Alii dicunt eosdem esse characteres, quos in illa charta in divino corpore cœlestis scripsit amor, ut legere possimus, quantum nos amat Iesus Christus Deus & verus Homo. Ego modo dico crucifixum esse candidissimam & divinam chartam, ut in illa nos scribamus desideria & petitiones cordis. Calami non desunt, ecce spinas in capite, clavos in manibus & pedibus, lanceam in benedicto corde. Neque deest atramentum; ecce divinum sanguinem, qui ex Vulneribus fluit Salvatoris. Permittite mihi ut ego sim vester scriba; hæc scribam: Mi Jesu mox volumus orare Rosarium SS. Vuln. ut tibi placeamus. execramur omnia peccata, dolemus de præteritis, non peccabimus amplius; ut tibi placeamus. Amamus te, ut tibi placeamus. Hanc gratiam petimus; in omnibus tibi placere, & cum hora nostra advenerit, sanctè mori! Adverto, Christus D. annuit nostris postulatis; Si Syngrapham vultis? ecce sanctissimum sacramentum Altaris; Si scripta verba nobis sunt solatio, Christus Iesus, Deus & verus homo; quantò magis spem nostram erigere, & caritatem inflammare debet, quod in Altari realiter nobis præsens sit, cui placere volumus, & qui mortem sanctam nobis potest concedere, imò quod cibus & potus noster esse velit. Amemus ardentè crucifixum, præsertim in communione, & quoties oculis coram cernimus SS. Sacramentum, oremus ferventer rosarium SS. Vuln. ut Christo placea-

placeamus; sic sanctè moriemur. Mi Jesu! si benedictum quoque cor tuum, est Divina charta, partim candida, partim rubicunda, si est aureus liber vitæ; unica guttula tui sanguinis, meum & meorum sodalium nomina inscribe. nos cordibus nostris inscribemus Jesus crucifixus, Deus & verus Homo, in quem credimus, in quem speramus, quem amamus ex toto corde, à quo petimus felicem & sanctam mortem.

Recentiores quidam libri referunt amabilem quandam visionem, in qua vir Religiosus vidit sedentem Christum D. in pulcherrimo throno, amœnissima facie & rutilantibus præcipue <sup>§.3.</sup> *Cælesti visione de Christo D. B. Virgine & S. Ignatio.* quinque cicatricibus sanctissimorum Vulnerum; ad latus dexterum spectabilem se præbuit B. Virgo in aurea & gemmea veste; ad scabellum throni vidit fleentem S. Ignatium, qui <sup>cur Christus promisit, se societati fore proprium.</sup> Christo D. & Beatissimæ ejus Matri suam Societatem enixe commendavit, & duo instanter postulavit, pro suo cœtu, Fraternitatem Dei amorem, & ardentem zelum animarum. Respondit illi Christus D. ore amabili, se Societatem suam gerere in corde suo, foreque illi propitium. Insinuo tantum, S. Ignatium, dum viveret, fuisse ignitissimum speculum in ardenti amore erga crucifixum; proinde & hic me monet atque docet, quid pro me & pro meis Auditoribus à Christo D. petere debeam.

Accidentia SS. Hostiæ, sodales carissimi, quam coram <sup>§.4.</sup> *Tali oris: in agone sodalibus sua: agonia in cruce.* cernitis, quam profunda reverentia & submissione adoratis, non sunt aliud quam quædam sedes, quidam thronus. thronus aureus, vallatus liliis, circumdatus cœlestibus leonibus sive angelorum turmis, in quo nobis præsens adest, realiter, personalliter Christus Filius Dei. Oculis fidei cernere possumus, quàm luceant, quàm radient, quinque illa SS. Vulnera, in manibus, in pedibus, in divinis corde; S. Hostia est simul thronus gratiarum & misericordiæ, in quo nobis coram adest liberalissimus Jesus, ut preces nostras exaudiat, dummodo ferventer oremus & postulemus. Omnino mi Jesu! ideo hic congregati sunt mei sodales, ideo mox ruemus in genua, statim orabimus Rosarium SS. Vulnerum ut hæc duo petamus. 1. ardentis-



dentissimum Jesu Christi crucifixi amorem, pro nobis, & aliis sodalibus, imo pro omnibus qui in terris vivunt. 2. illam gratiam ut in hoc amore perseveremus, ut in hoc amore moriamur & expiremus sanctè: hoc agite, sodales; ego interim etiam ruam ad genua Jesu. ego meos sodales & totam hanc congregationem illi offeram, fervore quo potero. Sic suspirabo: Mi Jesu, bone Jesu, exaudi has preces tuorum sodalium. ecce orant, & ferventer orant &c. Fallor? an videre mihi videor quomodo meus Jesus meis precibus annuat? non fallor. annuit; Majora video! O felices meos sodales; in pectore suo, in corde suo vos gestat Christus crucifixus. in illo, veluti aureo libro vitæ, inscripta sunt nomina vestra. Majora & certa vobis promitto; semper, sed potissimum in agone, propitius vobis erit Jesus crucifixus! pergitte, suspirate, orate ferventer.



## EXHORTATIO VI.

### MENSE JUNIO.

Sextum igneum speculum. Christus Crucifixus,  
solatium morientium.

*Ignem veni mittere in terram, quid volo nisi ut accendatur.*

LUC. 12. v. 49.

#### SYNOPSIS EXHORTATIONIS.

- |  |  |
|--|--|
| <p>§. 1. B. Virgo Concionatoribus suggeris ferventes conciones.</p> <p>§. 2. Igneum speculum, sive ardens amator crucifixi, Franciscus Comenus, laudatur in quatuor punctis.</p> | <p>§. 3. Idem solitus fuit, à Christo crucifixo, ardentibus precibus petere veniam peccatorum.</p> <p>§. 4. Verba Christi ad illum de cruce.</p> |
|--|--|

§. 5. Cru-



§. 5. *Crucifixus solatium morientium.*

*Franciscum Comenium, de Crucifixo; plena solatio.*

§. 6. *Vox celestis de cælo ad*

**D**Ezelosissimo concionatore, P. Martino Gutierrezè Societate Jesu, refert historia vitæ, quod, cum in quadragesima ferventer impios hortari vellet ad poenitentiam, rem omnem deposuerit in manus B. Virginis, petendo cum ardentibus precibus, ut ipsa sibi suggereret illa, quæ dicenda forent; tum mirificè se robustum sensit, & fortè ad flectendas gravissimorum peccatorum animas, & durissima corda emollienda. Non puto mihi hac exhortatione rem fore cum similibus saxis; pios Auditores, quales vos omnes esse puto, cupio magis adhuc inflammare flammis, amoris erga Christum crucifixum; meos sodales cupio adhortari ad ferventem orationem pro felici morte; nihilominus fateor, rem totam ante deposui in manus afflictissimæ Matris, stantis sub cruce; coram ejus imagine hanc exhortationem, quam dicturus sum, composui & scripsi; non semel, sed sæpe tristibus oculis aspexi afflictissimam Virginem; non semel, sed sæpe suspiravi, ad tristissimum ejus cor; & tibi, O Mater misericordiæ, ascribo, quod sentiam cor meum inflammarî, & quod advertam meos sodales paratos esse, ut iterum aspiciant ignea specula ardentè amantium Christum crucifixum, ut ab illis & ipsi accendantur; ut simul omnes ardentè amemus crucifixum, & per ipsius agoniam ferventi oratione petamus sanctam mortem.

§. 1.

*B. Virgo Concionatoribus suggerit ferventes conciones.*

Igneum speculum, sive ardens amator crucifixi fuit Franciscus Comenus Coadjutor è Soc. cujus vita his titulis eum laudat. 1. Tanta voluptate deditus fuit orationi, præsertim meditationi Passionis Christi, illis de cælo sub oratione solatiis fuit perfusus & delibutus, ut quoties oraret, videretur sibi esse in aliquo Paradiso. 2. Inter labores sui officii, continuo cum Deo miscuit, *inflammatos sermones*. 3. Dolores pro Christo erant illi suavissimi; cum aliquid pateretur, videbatur sibi jace-

§. 2.

*Igneum speculum sive ardens amator crucifixi. Franciscum Comenum, laudatur in quatuor punctis.*

D

re in

re in lectulo rosarum. 4. ait historia vitæ, quod toto pectore arserit amore Dei. Quam suaves & pias cogitationes mihi suggerunt hæc encomia de nostra congregatione agonizæ: ecquid enim illa est, nisi quidam locus voluptatis, in quo sodales tantis solatiis peragunt suas orationes in honorem Passionis pro obtinenda felici morte: vos cupio esse testes, sodales mei amantissimi, an non vobis bene sit, dum devote, dum ferventer oratis Rosarium, quinque Vulnerum: in conspectu Christi Salvatoris in SS. Sacramento, cujus præsentia Paradisum facit in terris: præsertim cum in illo, non loquamur nisi lingua Seraphinorum, & non proferamus nisi inflammatos sermones ad Christum crucifixum. Lectuli rosarum non desunt; tales lectuli sunt rosea quinque Vulnera, dulcissimum præsertim cor Jesu, quid mirum si hoc loco inter inflammatos preces toto pectore ardeamus amore crucifixi.

§. 3.  
Idem solus fuit, à Christo crucifixo petere veniam peccatorum

Quinto loco vita hujus fratris hoc narrat: cum aliquando sentiret se turbatum & inquietum, adverteretque causam esse, timorem mortis, ob commissâ peccata præterita, quæ sola hominem faciunt infelicitè mori; magna animi demissione, cum ingenti dolore cordis, se abjecit ad pedes crucifixi, peccatorumque veniam inflammatis precibus & cum lacrymis ab eo petiit. forte corde contrito & humiliato cum Davide dixit ex pl. 50. *Miserere &c.* fortassis ingemuit cum filio prodigo, *Pater peccavi &c.* fortassis serias addidit obtestationes, mi Jesu, per tua vulnera &c. miserere mei; per tuum sanguinem N.N. Propitius esto mihi peccatori. Hæc est illa lingua Seraphica, qua amatores crucifixi loqui solent; hi sunt isti inflammati sermones inter contritum peccatorem, sive animam poenitentem, & Christum Redemptorem. Ni fallor, vos amantissimi sodales, dum hæc auditis, intus in corde eadem lingua loquimini; ni fallor, ex timore mortis, eadem dicitis, sermone inflammato, cum Davide, miserere Deus &c. sic pergit, pias addite obtestationes, Jesu per tuam agoniam &c. Talis sermo, tales preces, beneyolam à Christo Judice obtinent sententiam.

Nam,

Nam, eidem Francisco, oranti, Christus D. de cruce aliquando dignatus fuit, his verbis respondere: sodales! audite aliquid, quod cœlesti vos afficiet solatio; audite aliquid, quod spem vestram & fiduciam, roborabit: audite pauca verba ex ore crucifixi, quæ vestrum in illum amorem, & preces vestras cœlestibus scintillis inflammabunt. Tristi Francisco Christus dixit; *Francisce, & cur ego cruci huic affigi me volui, nisi ut te amarem, & tibi ignoscerem.* O mi Deus; vere! licet lingua tua potata sit felle, tamen mel & lac, est sub & in illa: labia tua, licet pallida colore mortis, distillant tamen myrrham probatissimam. Et vos mei sodales, quid timetis? cur non audacter ad ejus pedes vos abjicitis; accedite, petite remissionem etiam gravissimorum peccatorum: petite sanctam mortem, ideo affigi voluit cruci, ideo trihorio in illa pependit &c. quia vos amat, & quia vult ignoscere. Ideo ipse sustinuit angustias mortis, ut in nostro agone, nobis aliquando sit bene.

Alias Christus crucifixus hanc quoque gratiam præstitit Francisco; in gravi morbo, gravique desolatione & ariditate cordis, momento illi abstulit omnes dolores, & admirabili quodam implevit solatio. Hoc puto vos desiderare, ut aliquando inter dolores & angustias mortis ille vobis adsit, ut mitiget dolores, ut vos consoletur. Amate ad hunc finem Christum crucifixum, talia ardentem ab illo petite, & exaudiet preces nostras. Idem Franciscus solitus fuit quotidie Christum D. visitare quinquies in sanctissimo sacramento altaris: ad obtinendam sanctam mortem. Tantum non exigo à vobis mei sodales sed ut singulis mensibus semel ad hunc finem in congregatione coram crucifixo & sanctiss. Sacramento recitetis devotè quinque decades Rosarii, in honorem quinque Vulnerum.

Sed cogor imponere finem exhortationi, puncto pulcro de eodem Francisco. Per biennium in orando nihil suavitatis perceperat, & ecce! (Sodales mei, cogitate vos videre imaginem, in qua depingi solet cœlestis Pater & ad dexteram Christus Salvator noster monstrans æterno Patri cicatrices suorum Vulnerum) cum Franciscus coram tali imagine ferventissimas

§. 4.  
Verba Christi ad illum de cruce.

§. 5.  
Crucifixum, solatium morientium. orationem frequentem Rosarii quinquies Vulnerum, ut cum nobis adsit.

§. 6.  
Vox cœlestis de calo ad Franciscum Commendatum de Christi Vulneribus plena

funderet preces, dulcissimam in corde vocem audivit, quæ agebat: *Hujus causa, quem vides, tuæ tibi æternus Pater peccata ignoscit*, & inde illi suavissimæ in animo coortæ deliciæ, diebus plurimis duravere. Si deliciarum harum participes esse vultis; oculos erigite in arborem sacros. Crucis; Videtis Vulnera pedum? et orate ferventer duas primas decades; amate Christum crucifixum. Hujus causa, qui pro nobis sacrosanctos pedes crucis affigi voluit, æternus Pater libenter ignoscet omnia peccata, & sanctam concedet mortem. Altius oculos erigite; aspiciite hiantia Vulnera manuum, aspiciite horrendos in illis clavos, considerate quæ propter illos Salvator noster passus sit tormenta. cum dolore, cum amore, cum tenera compassione, cum piis lacrymis recitate tertiam & quartam decadem; hujus causa qui illa passus est, propter sacros. illa Vulnera &c. cœlestis Pater ignoscet nobis omnia peccata. In honorem Vulneris sanctissimi lateris & benedicti cordis, in honorem defluentis sanguinis, pari devotione orate decadem s. denique ter Pater in memoriam trihorii crucis & angustiarum mortis; hujus causa &c. piissimus Pater omnia dimittet debita. Hoc ferventer volumus petere.



## EXHORTATIO VII

M E N S E J U L I O.

Septimum Igneum Speculum. SS. Trinitas.

*Ignem veni mittere in terram, quid volo, nisi ut  
accendatur.*

Luc. 12. cap. v. 49.

SYNOPSIS EXHORTATIONIS.

S. I. P.

§. 1. *P. Franciscus Strada, fuit ferventissimus concionator.*

§. 2. *Morientibus sanctè assistit Deus Pater.*

§. 3. *Et Deus Filius, Iesus Christus, Salvator mundi.*

§. 4. *Et Spiritus S.*

§. 5. *Tam sancta morte obiit P.*

*Ioannes Faleo eximius cultor SS. Trinitatis.*

§. 6. *Suadet usum Rosarii SS. Trinitatis, pro felici & sancta morte obtinenda.*

§. 7. *Alia pia desideria sanctè morientium.*

**P**ater Franciscus Strada ardens fuit concionator. Roganti alicui, unde illi esset ea dicendi vis; ingenuè respondit, sibi inter dicendum radium quendam & impulsus illabi cœlitus, quo totus præcordiis intimis move-  
veretur. Parvam exhortationem, quam paravi, cupio dicere ardentissime; sed unde illa vis, ille ardor, illæ pectoris commotiones, illi cordis affectus, qui necessarii mihi sunt. Mi Jesu crucifixe! aliunde ignes non cupio, quam ex SS. tuis Vulneribus. O SS. Vulnera pedum, vestris radiis me illuminate & accendite! O rosea vulnera manuum, vestris ardoribus me inflammate! O igneum cor! O ardens sanguis tu me accende, his ardoribus indigeo, ut meis sodalibus proponam breviter, igneum speculum, ipsam SS. Trinitatem, ut in illo videant, quid sit sanctè mori, quid sit mors beatorum; ut ex hac cognitione discamus ita, idest, sanctè mori.

Sic moritur iustus! cum in ultimo jaceret agone, dum luctatur cum diabolis & morte, Pater æternus qui illum prædestinavit, & ab æterno inscripsit libro vitæ, ut intentio hæc prædestinationis detur in tempore constituto, effectui; cum sit immutabilis, ut Deus, auget tum gratiam necessariam, providentia potenti & efficaci, qua infallibiliter salvabitur. Hæc assistentia Patris æterni, potentior est, quàm omnis potestas totius inferni! quid Satan contra illum poterit, qui habitat sub adjutorio altissimi, & auro clypeo peculiaris providentiæ.

§. 1.  
Pater Fr.  
Strada ferventissimus concionator.

§. 2.  
Morientibus sanctè assistit Deus Pater.

§ 3.  
Et Deum Fi-  
lium, Iesum  
Christum  
Salvator  
mundi.

Sic moritur iustus. Pathetice; cum est in agone, Christus Sal-  
vator mundi, videtur tum aperire omnia SS. Vulnera sua, ut ef-  
fluat inde sanguis preciosus cum illis gratiis & mediis, quæ tali  
morienti ad salutem sunt necessaria. Ita plerumq; omnia dispo-  
nit, ne sui electione sodales hujus congregationis ex hac vita  
discedant sine participatione SS. Sacramentorum, quorum ef-  
ficacia & virtute facit, ne ullus pereat, quos dedit illi Pater. In  
illo agone filius Dei præcipue est Iesus. in illo articulo est Pater,  
Amicus, dux, tutor, protector, defensor; verbo morienti electo  
est Iesus, sic moritur iustus.

§ 4.  
Et Spiritum  
Sanctum.

Cum est in agone Spiritus S. animarum sanctarum (pon-  
sus, tum quoque adest peculiari assistentia, & præsentia quæ ad-  
vertitur ex copiosis consolationibus, ex ardentibus suspiriis,  
ex amorosis colloquiis, cum Christo Salvatore, ac ferventibus  
actibus nobilissimarum virtutum, fidei, spei, caritatis, ex acti-  
bus cōtritionis, ex ignitis desideriis cœlestis patriæ; quæ omnia  
operatur, consolatur & Paracletus Spiritus sanctus. Si forte  
contingat diabolum tali morienti proponere commissa pecca-  
ta; spiritus sanctus illa occasione movet cor & speret magis in  
meritis Christi; ut magis doleat, ut ardentius amet & implo-  
ret suum Salvatorem. Si Satan alias adhibeat machinas ten-  
tationum; spiritus sanctus tum impellit morientem, constitu-  
tum in agone, in ultima tribulatione, ut eo majori pietate con-  
fugiat ad Vulnera sui Redemptoris. Cum insuper morientes  
internos affectus produnt signis externis; percutiendo pectus,  
oculos & manus elevando ad cœlum, amplexibus & osculis SS.  
Vulnere, ignitis verbis ad Iesum; subinde inter angustias  
mortis, dulcissimis lacrymis; Dicite, sodales mei dilectissimi,  
talis mors nunquid dici debet, bona, sancta, beata! sub pecu-  
liari protectione, Patris, Filii & Spirit. S. & totius sanctissimæ  
Trinitatis.

§ 5.  
Tali morte  
obijt P. Jo-  
annes Ta-  
leo, eximius

Tali morte obiit Mogunt. anno 1626. P. Joan. Faleo, cum  
per supremos dolores, & alia morbi incommoda, adeo arden-  
ter quam cupiebat (quia tota vita fuerat ardens amator Jesu cru-  
cifixi) in Deum effundere se non posset, plenus fiducia dul-  
cior

ciorē, ita sanctissimam Trinitatem fuit allocutus: *Tu scis SS. Trinitas! quomodo nil aliud in vita mea quaesierim, quam ut amorem tuum omnibus hominibus imprimerem: qua hunc in finem exco-* *culor SS. Trinitatis.*  
*gitarim media, quos labores subieci, tu nosti optime! Quando igitur id agere modo non possum per infirmitatem, suscipe voluntatem meam.* Voluntatem meam, qua te mi Jesu, unum cupio amare. Voluntatem meam, qua tibi cupio agere gratias, & hoc agone meo pro omnibus beneficiis &c. Mi Jesu! Voluntas nostra est, ut te ardentissimè diligamus. Suscipe (hoc modo urgeatur suavis affectus.) Sic in suprema lucta loqui, suspirare, solent cultores SS. Tr. & ardentes amatores Jesu crucifixi; advertitis, quid sit sanctè mori? Prope jam aberat pius pater à supremo vitæ actu, cum à SS. Trinitate, ad Jesu, Mariæ ac cœlestis Societatis memoriam conversus identidem repetebat. O me felicem ac beatum, si forsitan hodie post pauculas horas ad Dominam meam S. Mariam perveniam, & omnes SS. ut cum illis æternum laudem Jesum meum & SS. Trinitatem. Denique cuidam dixit, sequentem noctem habebō valde difficilem, sed tamen misericordias Domini in æternum cantabo. Advertite quid sit sanctè mori: sive, quomodo moriantur justī! & simul discite ita mori, id est, ita in vita colere SS. Trinitatem, ita amare Jesum crucifixum, ita colere B. V. & alios sanctos; ut in eorum cultu & amore etiam aliquando expiremus.

Bene faciunt illi sodales (& vocandi sunt ignea specula *§. 6.*  
ardenter amantium Jesum crucifixum) qui coram ejus imagi- *Suadet*  
ne præter rosarium quinque SS. Vulnerum, recitant Rosario- *usum Ro-*  
lum SS. Trinitatis, illa intentione ut illi ad majorem ejus glo- *sarii SS.*  
riam, offerant omnia opera, totam vitam, sed præcipuè horam *Trinitatis.*  
ultimam, demisse obtestantes, ut momentum ultimum vitæ nostræ, subsequatur felix æternitas, ut in æternum SS. Trinitatem laudemus & amemus Jesum Salvatorem nostrum.

Venerabilis Beda cum in agone cum magna lætitia caneret, Gloria P. & F. & Spir. S. vivere desuit, & mori in actuali laude SS. Trinitatis, an non est hoc, mori sanctè & beatè! Uti- *§. 7.*  
mini hac aurea praxi, hoc aureo rosariolo, ut & nos aliquando *Alia pia*  
sic mo- *desideria*  
*sanctæ mor-*  
*ientium.*



fic moriamur. Ultima suspiria S. Augustini dum moreretur, fuerunt: O tres coæquales, & coæternæ Personæ, Deus unus! pulsant ad ostium tuum, Pater misericordissime, desideria rugientium præcordiorum meorum, & clamores lacrymarum oculorum meorum, ut evadam ad te Dominum Deum meum ut videam divitias regni tui, & videam faciem tuam semper, & laudem dicam nomini tuo.

Finis hujus exhort. sit mors B. Stanislai Koskæ quam vide in preciosis occupationibus morientium Soc. Jesu, fol. 8.



## EXHORTATIO IIX.

## MENSE AUGUSTO.

Octavum igneum speculum est perforatum Latus Christi in Cruce,

*Fiet in eo fons aquæ salientis in vitam æternam.*

Joan. 4. cap. v. 14.

## SYNOPSIS EXHORTATIONIS.

- |   |  |
|---|--|
| §. 1. <i>Latus Christi est verus fons.</i>    | §. 5. <i>Ostium vite.</i>  |
| §. 2. <i>Est fons lavans sordida peccata.</i> | §. 6. <i>Devota &amp; sancta mors Antonii Madridii, ferventis amatoris Iesu crucifixi &amp; cultoris SS. Vulnerum.</i> |
| §. 3. <i>Tentatis refugium.</i>               | §. 7. <i>Pium desiderium ad Iesum crucifixum.</i>  |
| §. 4. <i>Tristibus Paradisus volutatis.</i>   |  |

§. 1.  
Latus Christi  
est verus  
fons.

**D**eus electum suum populum Judaicum ex ferrea Pharaonis servitute liberare volens, cum ad ostendendam viam per diem in columna nubis, & per noctem in columna



lumna ignis antecedeat, persequente Pharaone, sicco pede per mare rubrum iter præbuit Exod. 14. v. 22. Hac liberatus vastam solitudinem Raphidim est ingressus, cumque ibi aqua ad bibendum populo non esset, magna que siti & fame premeretur, gloria Dei hic apparuit, panes de cælo pluit & ex dura ac saxea petra Moyse virga, jubente Deo, percutiente, aquam largissimam eduxit, ut populus famem sitimque ardentem arceret, ne in hac vasta solitudine periret. Viso hoc populus magno exultavit gaudio, quod tam mirabilis esset Deus in operibus suis. Magno fuit Agar gaudio cum Deus illi in arenosa solitudine fontem aperiret, quo sitim suam filiiq; sui levaret. Gen. 17. v. 14. Magnum præbuit Solamen Eliæ ad quem manus Dei cum ducebat, cum in sua regione cælum nec rorem nec pluviam daret. Ut sitim sedaret & à corvis pasceretur. 3. Reg. 17. v. 45. Fateor quidem hæc magna Dei beneficia nec sat lingua Angelica exprimenda esse, tamen coram istis nobis in novo testamento à Deo præstitis sunt umbra, nec ullam habent comparisonem. Etsi illi ob hæc adeo sint gavisi quanto majorem nos habemus ansam gaudendi & lætandi, non enim nobis eduxit fontem ex arenosa terra, non levavit sitim animæ nostræ aqua è terra producta, sed longe meliorem ac præstantiorem, quam Adæ peccatum occluserat, fontem aperuit, qui salit in vitam æternam. Joan. 4. v. 14. Et hic pretiosus fons in venerabili latere & corde Christi Jesu scatur, hic est verus & vivus fons ex quo pretiosus ille cruor effluxit, qui animam nostram, si sitiat, vere & mystice satiat. In hac rupe, in hac petra, in hoc venerabili latere scatur ille nobilis fons, cujus una guttula mundum universum saluum facere potest. O felices nos, qui ex hoc pretioso fonte haurire possumus, nam qui ex hac aqua bibit *non sitiet in æternum* Joan. 4. v. 13. Patres nostri biberunt ex fonte ex rupe elicito, & sunt mortui, qui autem ex hoc fonte bibet, *vivet in æternum* Joan. 7. v. 36. Quam efficax & quam mirabiles operationes & virtutes hic fons habeat paucis in hac exhortatione ostendam.

Fons in quo lavamur, mundamur, in quo delentur nostræ

E

iniqui-

*Est fons Lavans peccata sordida.*

iniquitates, latet, & salit ex latere, & vulnerato corde Christi crucifixi. Zach. 13. v. 1. *In illa die (die Parasceves, cum Longinus lancea aperiet cor Filii Dei,) eris fons patens domui David, & habitantibus Ierusalem, in ablutionem peccatorum.* S. Ambr. *Exiit aqua & sanguis de Latere Christi; illa, qua diluat: iste, qui redimat.* S. Leo, hunc cruorem vocavit *sanguinem Redemptionis*; ita ut Patri cœlesti placuerit sanguinem aperti cordis acceptare pro ultimo precio Redemptionis. Alii SS. PP. vocant *Complementum, & ultimam perfectionem nostræ iustitiæ*. S. Cyprianus. *Sanguis ille emanavit ad complementum perfectionemque totius iustitiæ.* Itaque agite sodales, quia mori desideratis sanctè, quia intentio nostra est, hac hora ferventi oratione petere & flagitare tantam gratiam; hoc agamus ut peculiari devotione feramur erga SS. Vulnus aperti lateris crucifixi; variis deliciis & morte suavissima nos coronabit. Hæc fient &c. (fac p. dictorum repetitionem.)

§. 3.  
*Tentatio  
bonæ refu-  
gi.*

In agone Diabolus gravissimè nos tentabit; Cogitate illum fore accipitrem; misellam aliquam animam, Columbam. Tali columbæ, morienti sodali inter assultus dæmonis, necessarius erit tutus aliquis locus refugii! *Montes excelsi cervix; petra refugium berinacis.* Columbæ quærunt cavernas maceariæ. Quæramus nos tempestive in Petra, quæ est Christus crucifixus, quæramus inquam, locum tutissimum, Vulnus lateris & cordis Salvatoris. Quisquis in agone hic morabitur, ridebit assultus dæmonis & interni! Vulnus hoc est turris fortissima. Morte securissima coronabit nos Dominus.

§. 4.  
*Christi  
Paradisus  
voluptatis.*

In agone circumdabunt nos dolores mortis, pericula inferni circumvenient nos; Amemus Christum crucifixum, colamus SS. Vulnus lateris, & illud nobis erit Paradisus deliciarum, & locus voluptatis. In paradiso fuit pax firma, nulla perturbatio; suavior nobis erit pax & quies in Vulnere sanctissimi lateris. In paradiso fuit suavissimus aër, nobis in agone dulcissima aspiratio erunt, ardentissima suspiria. In Paradiso fuit certitudo æternæ gloriæ, eadem nobis erit, cum expirabimus. in Vulnere lateris Christi crucifixi.

S. Ste

S. Stephano Act. 7. v. 55. summa in morte consolatio fuit videre cœlos apertos, & portam gloriæ æternæ. S. Augustinus, Evangelista non dixit, *Percussit aut vulneravit ejus latus, sed aperuit, ut illic quodammodo vita ostium panderetur.* O nos beatos, si in agone hoc ostium nobis pateat. *Hac porta Domini, justî (sodales Agoniæ) intrabunt per eam.* S. Aug. *Ingressi in eam confitebimur Domino.* Sed necesse est, ut dicamus cum S. Bonav. & S. Petro, *bonum est nos hic esse, (scilicet in Vulnere Christi) faciamus hic tria tabernacula, unum in pedibus; unum in manibus, aliud continuum in latere; ubi volo quiescere, & vigilare, bibere, comedere, legere, adorare, & omnia mea negotia pertractare; ubi loquar ad cor ejus, & ab ipso, quod voluero, impetrabo.* Et hic eris requies mea in semper. *Ubi pascar à Vulnere (subinde, lactabor ab ubere, & miscebo lac Matris cum sanguine filii & hac erit dulcissima potio in vitam æternam, Amen.)*

S. 5.  
ostium vi-  
tae.


Omniis his deliciis coronatus fuit P. Antonius Madri-  
dius, hic sibi quotidie dicebat; *Morere tibi* (sive discere vivere  
& mori) hoc modo; *Vita tua sit perpetua laus Dei, & Jesu crucifixi.*  
deinde frequenter aspirabat: *Jesu custodi cor meum in timore &  
amore ante oculos tuos, qui me undiq; circumspiciunt.* In continua  
memoria Jesu sibi præsentis, tam sancte vixit, tam ferventer  
oravit, ut passim fuerit vocatus: *Carbo ignitus omnes accendens  
igne amoris Dei.* In agone dixit ad circumstantes, *Valete, ego eo:*  
& ad crucifixum conversus, *Habes ubi divitias tue bonitatis osten-  
das. Tu agnus Dei qui tollis peccata mundi. & hujus scelerati pec-  
cata tolle.* Mox Mariæ Matri gratiæ, ut in hora mortis suscipe-  
retur, se commendans vivere desist.

S. 6.  
Devotio &  
sancta moro  
Antonii  
Madridii,  
ferventis  
amatoris  
Jesu cruci-  
fixi & cal-  
toris S. 5.  
vulnere.

O si ego modo in hac cathedra essem talis ignitus Carbo.  
O mi Jesu, tuis flammis; tuis ignibus, tuo sanguine succende  
me. fornaces cupio esse sacrof. tua Vulnere. Accendi autem  
cupio, primo ut amem te; deinde, ut meos quoque sodales ac-  
cendam. hæc enim sunt ignea mea desideria! ah sod. dilecti.  
Discite vivere, discite mori. Vita sodalis hujus S. Congrega-  
tionis debet esse perpetua laus Jesu crucifixi. In omni actio-  
ne, præcipue in oratione, talis sodalis cogitat, se circumspici

S. 7.  
Pium desi-  
derium ad  
Jesum cru-  
cifixum.

ab oculis crucifixi. Itane! O bone Jesu, ecce meos sodales custodi nos in tuo timore & amore. Ecce habes ubi ostendas divitias tuæ bonitatis. Es agnus Dei, qui pro omnibus in ara crucis fuit immolatus, & nostra peccata tolle, ut aliquando moriamur sanctè!



## EXHORTATIO IX.

M E N S E   S E P T E M B R I.

*Ignæ specula sunt clavi Jesu Crucifixi.*

*Ignem veni mittere in terram, quid volo nisi ut accendatur.*

Luc. 12. v. 49.

### SYNOPSIS EXHORTATIONIS.

- |   |  |
|---|--|
| <p>§. 1. <i>B. Coleta halitus sub oratione erat totus igneus.</i></p> <p>§. 2. <i>Arrha connubii inter crucifixum, &amp; S. Theresiam, fuerunt clavi crucifixi.</i></p> <p>§. 3. <i>Idem sodalibus Agonia posuit esse signum æternæ salutis.</i></p> <p>§. 4. <i>Crucifixus promisit S. Theresia, se nihil ipsi postulanti negaturum.</i></p> | <p><i>Pia Visio de Sinistro clavo.</i></p> <p>§. 5. <i>Neque sodalibus agoniam negabit sanctam mortem, si peccant.</i></p> <p>§. 6. <i>Crucifixi desiderium est, ut nobis proficiat sanguis.</i></p> <p>§. 7. <i>Brevis exhortatio ad nostram communionem.</i></p> |
|---|--|

§. 1.  
B. Coleta  
halitus sub  
oratione  
erat totus  
igneus.

**B**EATA Coleta Ordinis S. Claræ Religiosa cùm versaretur in oratione, visa sæpe est in aëre sublimis, & igneum ore vaporem exhalare, ut universum illius conclave astuare, & scintillare videretur. Utinam, præsens mea exhortatio tali igne fragrans & ardens, similibus scintillis impleat non tam hoc templum, quam corda meorum sodalium. Hæc cupio ardere ardenti amore erga Christum crucifixum: semper

semper, sed præcipuè sub rotario §. 55. Vul. quod mox recitabimus, pro obtinenda felici morte. O! utinam hac exhortatione igneæ sagittæ, ardentes stimuli, ad amorem crucifixi in nobis accendendum sint grandes, crassi, longi, illi clavi, quibus Christus D. fuit cruci affixus; illi clavi, qui pedes & manus Salvatoris hiantibus Vulneribus aperuerunt. Si oculos deinde conicere velitis in manum Angeli in altari, magnitudinem & formam clavorum meditari poteritis. O si in cordibus vestris peculiarem devotionem erga hos clavos excitare possem, tum, Orabitur ferventissime.

Ita oravit Seraphica Virgo S. Theresia. Inter varios favores à Christo crucifixo sibi exhibitos, hæc quoque ipsa descripsit. Hæc verba aliquando ad me Dominus protulit. Noli metuere filiæ mea, ut quis te à me divellere queat: tum mihi dexteram suam porrexit, dicens, Respice clavum hunc, futurus enim est signum & arrhabo, ab inde ab die hoc sponsam meam te fore. Cum eadem S. Virgo aliquando à S. Synaxi recederet, vidit apertè ad latus suum affidere Jesum, qui amicissimis & suavissimis verbis illam solatus dixit ecce me, filiæ mea! nam ego sum, tuas mihi ostende manus, quas acceptas suo lateri imponens ait, Respice Vulnera mea, non es sine me. Et ex illo tempore Theresia longe alia ratione attendit ad eam, quæ Dominus passus est, nempe tanquam peculium suum, nam inter alia hæc quoque illi dixit cælestis sponsus. Nosti jam, quod sit te inter & me connubium; ac proinde quod habeo tuum est. Unde omnes tibi, quos passus sum dolores, & labores, cedo: & ideo hos à Patre meo, velut proprium quid exigere potes.

Nescio an suavioribus verbis meos sodales hodie alloqui possim. Animæ piæ, quid timetis mortem? an ideo, ne, quis in morte vos avellat à Jesu crucifixo? facientne fortassis commissa peccata? Non. Avelletne Satan? Non. Separare vos poterunt mille illius tentationes? Non. Erigite oculos! aspiciate laceratos crucifixi pedes, & vulneratas manus: ecce istos clavos, sponsus vester vobis offert in signum & arrhabonem

E 3:

sanctæ

§. 55.  
Arrha connubii inter crucifixum & S. Theresiam fuerunt, clavus crucifixi.

§. 3.  
Iidem sodales agnomine possunt signum æternæ salutis.

sanctæ mortis, & æternæ beatitudinis; ut certiores sitis, sub oratione erigite in altum vestras manus, si munda sunt; immergite profundis Vulneribus, non estis sine Jesu. Sodales amantissimi, inter nos & Christum crucifixum est connubium quoddam, desponsavit nos sibi in sanguine suo; ideoque & nobis donavit omnes suos dolores &c. ut jure quodam per illa à cœlesti Patre petere possimus felicem mortem. Hac exhortatione clavos præcipue imponam cordibus vestris, ut &c.

S. 4.  
Crucifixus  
promisit S.  
Theresia, se  
nihil ipsi  
postulanti  
negaturum  
Plavio  
de clavo  
sinistra ma-  
nu.

Cum eadem S. Theresia nocte quadam perseveraret in oratione & meditatione Passionis dixit illi Christus D. *Quid à me postulas carissima, quod non præstem tibi.* & mox subsecuta fuit mirabilis visio. Dominus enim spectandum se Virgini dedit, & manus suæ sinistræ plagam cœpit ostendere, & dextera ingentem sinistræ clavum educere: videbatur porro una cum clavo etiam carnem evellere, quod non nisi gravissimo dolore fieri videbatur, qui etiam me ad ei compatiendum excitavit, & ad ardentissimam orationem; tum Dominus subjunxit, & in se recepit, sive promisit, *Quidquid unquam Theresia efflagitaret, id illico se illi concessurum.* Causam addidit, se scire, se diligere Theresia.

S. 5.  
Neque so-  
dalibus  
agonia ne-  
gabit S.  
mortem, si  
petant.

Adverto bene, vos non posse talia audire sine peculiari solatio, & compassione erga Christum crucifixum; puto vos cogitare, O felicem Theresiam! eadem & ego cogito, sed simul meis sodalibus ex animo gratulor. Quid enim à Christo crucifixo postulare potestis, quod non præstet vobis. Postulatis ut adsit vobis in suprema lucta. Orate, aderit. Ut vos includat in sua sacros. Vulnera. Orate, includet. Ut oratio sit ardentior, clavos præcipue aspiciate, & considerate, quos dolores Christo D. caularint, cogitate vos videre laceram carnem, quam lacerarunt, nervos, venas quas transfixerunt, ebullientem ex fontibus sanguinem, quos aperuerunt. Quidquid in hac consideratione, inter has cogitationes flagitabitis, hoc concedet. In arguam vobis offert sanguineos clavos. Si tamen sciat, quod à vobis diligatur. Utinam ergo his clavis, veluti igneis sagittis, corda vestra transfigere, iisdem quasi accensis radiis accen-



accendere possem, ut Christum crucifixum amemus ex toto corde, ex tota anima &c.

Alias post S. Communionem piissimus Salvator S. Theresiam sic fuit allocutus: Volo filia, ut meus tibi sanguis proficiat, neque est, quod pertimescas, ne mea tibi unquam defutura sit misericordia; Equidem eundem magno cum dolore profudi; tu eodem suavissimè ac blandissimè frueris. & ut vides abunde tibi, quod hodie mihi instruebas epulum, compensat. Quidni iisdem planè verbis alloquar amantissimos meos sodales; animæ piæ, videtis sanguinem profluentem ex Vulneribus pedum crucifixi, cernitis in illis duos clavos; vult Redemptor noster ut hic sanguis, hæc vulnera, hi clavi nobis proficiant. Si per illa ardentem velimus petere, sanctam mortem, non negabit (sic discurrere de Vulneribus manuum) & nolite pertimescere, nunquam nobis deerit ejus misericordia: nimis magno dolore pro nobis Christus D. suum sanguinem profudit &c.

Sed hoc quoque moneo, ut iniam. Christus crucifixus S. Theresiæ hos favores concessit, vel tantas gratias promissit, quia magna devotione sumpserat SS. Synaxin; puto ob hanc causam statuta hujus congreg. exigere mensuram communionem; in illa præcipuè nobis licet sanguine Christi blandissimè & suavissimè frui; ut aliquando sanctè moriamur, & æternum deinde vivamus in cœlis.

S. 6.

Crucifixus desideratum est, ut nobis proficiat sanguis.

S. 7.

Brevi adhortatio ad mensuram communionem.

EX-

## EXHORTATIO X.

MENSE OCTOBRI.

Igneum speculum est sanguis Jesu Crucifixi.

*Ignem veni mittere in terram, quid volo, nisi ut  
accendatur.*

Luc. 12. cap. v. 49.

## SYNOPSIS EXHORTATIONIS.

§. 1. *Brevis repetitio priorum  
Exhortationum.*§. 2. *Sanguis Christi instauravit  
Orbem.*§. 3. *Sanguis Christi est satisfactio  
pro nostris peccatis.*§. 4. *Christus D. pro nobis effudit  
profluvium sanguinis.*§. 1.  
*Breviter.  
repetitio priorum  
exhortationum.*

**F**Erventes amatores Christi crucifixi; ejus facies sudans sanguinem in monte Oliveti inter angustias mortis; idem vultus impressus sudario Veronicæ in bajulatione crucis, clavi, cruentum ejus latus, Vulneratum cor, Rosea vulnera, Christi è cruce pendentis effigies, hæcenus in meis exhortationibus fuerunt ignea specula, quibus conatus fui, in cordibus vestris inflammare, hinc ardentem erga crucifixum amorem, inde fervens desiderium, ferventi oratione Rosarii s. SS. Vulnerum impetrandi sanctam mortem. O mi Jesu! video faciem, oculos, frontem, genas &c. omnia membra; vulnerata; imò Passionis tuæ instrumenta, virgas, spinas, clavos, crucem, lanceas, resperfa preciosissimo tuo sanguine; da mihi gratiam, ut hac exhort. tuo sanguine, veluti speculo, easdem flammæ excitem, in cordibus meorum sodalium.

De



De hoc sanguine magna eloquentia ait S. Greg. Naz. or. §. 2.  
 42. *Quamvis permulta illius temporis* (sub crucifixione) *miracula fuerint, Sol obscuratus, rursus inflammatus, velum scissum sanguis & aqua profluentes ex latere, terra tremore concussa, petra pro-* Sanguis Christi in-  
*rupta, & multa alia signa. Nullum tamen cum salutis nostrae miraculo* stauravit orbem.  
*conferendum est, in quo exigua cruoris gutta orbem universum instaurarunt, atque idem quod lactis coagulum, hominibus, praestiterunt, in unum nos conjungentes cum Christo.* gaudeo ex animo de illa cordium conjunctione, quæ est inter sodales hujus congregationis, de illa conspiratione, ut sint devoti Vulneribus Christi, (est locus pro p. inductione) hoc requiro ad perfectionem, ut vi sanguinis Christi, omnes simul uniamur, cum Christo crucifixo. Mi Jesu, guttæ tuæ sang. quas ex his pedibus defluere video carbones sunt! his cupio liquefacere sod. meorum corda, ut sub oratione primæ & secundæ decadis confluat in accensam fornacem cordis tui, ut per tuum sanguinem tecum conjungantur. Guttæ sanguinis quas video decidere de sacrosanctis manibus, gluten sunt; hoc glutine sub or. 3. & 4. dec. cupio tibi adunare animas, affectus & cogitationes meorum sodalium, ut in sanguine tuo simus unum tecum. Guttæ sane, quæ profluunt ex benedicto corde, sunt vittæ coccineæ, his cupio &c. Ita tibi unita corda, per liquefactionem, per carbones, per conglutinationem, per colligationem, simulardebunt. Guttæ sanguinis tui, erunt specula uistoria &c.

Non timeamus infelicem mortem ob commissâ peccata; §. 3.  
 Christus D. suo sanguine pro illis satisfecit; in hoc fonte facile Sanguis Christi est  
 illa delere possumus; Justitiæ D. offeramus has guttas, & facile satisfactio  
 illi satisfiet. pl. 29. v. 12. ait David in persona Christi, *confidisti* nostrâ pro peccatâ.  
*sacrum meum: ubi p. S. Aug. ser. ult. de tempore. Saccus Christi,*  
*erat similitudo carnis peccati; Non tibi vilescat, quod ait sacrum meum;*  
*ibi enim erat inclusum precium tuum; In passione confessus est; & di-*  
*cis Patri, Confidisti sacrum meum, quia, (ad Rom. 8.) proprio filio*  
*non pepercit, sed pro nobis omnibus tradidit illum. Confidit sac-*  
*cum lancea persecutor, & sudat precium nostrum Redemptor, (iterum*  
*fiat digressio per decades Rosarii ad sang. Christi.*

§. 4.  
Christum D.  
pro nobis ef-  
fudit pro-  
fluvium  
sanguinis.

Ardorem, fiduciam in orando, inflammatum amorem er-  
ga Christum crucifixum, accendere potest verl. 7. pl. 129. Co-  
pioſa (S. Aug. multa) apud eum Redemptio. Siq. Christus D. non  
guttam sanguinis modicam (Clem. VI. in extrav.) que tamen  
propter unionem ad verbum, pro redemptione totius generis humani  
ſufficeret, ſed veluti quoddam profluvium noſcitur effuſiſſe. quod S.  
Chryſoſt. hoc ſimili declarat, *Multiplura hiſ, que debebamus,*  
*Chriſtus rependit; atque ſanto plura, quanto mare immenſum, ad pu-*  
*ſillam guttam collatum majus eſſe poſſit.* Addit S. Athan. I. de In-  
car. Verb. Corpus, quod mori poſſet aſſumſit. (p. I. quod flagella &c.)  
ut pro omnibus ad plenam ſatiſfactionem ſufficeret; & mortem in  
omnibus, quaſi ſtipulam igni consumeret. ideo ad calicis confecra-  
tionem, plus vini apponendum eſt, quam aquæ, quia per ma-  
jorem vini copiam, majorem eſſe majeſtatem ſanguinis Chri-  
ſti, ſignificatur, quam fragilitatem humani generis per mo-  
dicum aquæ denotatam. S. Bern. Crux facta eſt ſtatera corporis  
Chriſti, quod eſt Eccleſia: cum enim ipſe crucifigeretur,  
cum ſanguinem in cruce effunderet, appenſa ſunt cum ipſo  
peccata, quæ commiſimus; cum inclinato capite emiſit ſpiritu,  
preponderavit ſanguis; eodem deleta fuit ſyngrapha peccato-  
rum (ex hiſ fiat p. affectus) hoc facite ſodales, ecce ſtateram &c.



## EXHORTATIO XI.

M E N S E N O V E M B R I.

Speculum igneum, eſt memoria Jeſu Crucifixi.

*Et erit vita tua pendens ante te.*

Deut. 28. cap. v. 66.

SYNOPSIS EXHORTATIONIS.

§. I. Tor-

- |   |   |
|---|---|
| §. 1. <i>Torcular crucis, sive memoria Passionis, facile exprimit lacrymas contriti cordis.</i> | §. 3. <i>Memoria crucifixi provocat nostrum amorem.</i> |
| §. 2. <i>Non possumus meminisse</i>   | §. 4. <i>Prosecutio.</i>                                |

**D**E sancta Virgine Maria Ognacensi ait ejus vita; Tantam compunctionis gratiam ex ejus corde; tantam lacrymarum copiam ex oculis exprimere solebat, torcular crucis, ut lacrymæ desuper per pavementum Ecclesiæ diffuerent. Per torcular illud ego intelligo, memoriam agonizæ Christi pendentis in cruce &c. cujus, quoties piissima Virgo memor fuit, dolere & flere debuit. O mi Jesu crucifixe! O si ego in brevi hac exhort. eodem torculari! O si ligno crucis, in quo agoniam passus es! O si illis clavis, quibus manus & pedes tui cruci affixi sunt! O si illis spinis sacrosancto tuo vertici altè impressis! O si pondere tui sang. O si pondere tuarum lacrymarum, O si guttis lethalis tui sudoris, ex cordibus meorum auditorum, exprimere possem intensissimum dolorem, de omnibus peccatis; O si ex omnium oculis, vel unam saltem ex cordibus exprimere possem, guttulam. Sed tenerri-mæ contritionis, guttulam, sed calidissimi amoris erga Jesum crucifixum. Mi Jesu! ideo peto hanc gratiam, ut in hac congregatione devote oremus Rosarium SS. Vulnerum pro obtinenda sancta morte.

Meis sodalibus, si ferventer orare, si sanctè vivere desiderant, ut accendantur, igneum speculum esse cupio, memoriam Christi Agonizantis in cruce. Sine magna utilitate mortis Christi meminisse non possumus. Prædixit illud Moyses Deuter. 28. v. 66. *Et erit vita tua pendens ante te.* Literaliter impleta fuit hæc prophetia, cum auctor vitæ, Christus Salvator noster in monte Calvarizæ pependit in cruce. In sensu mystico cuivis ob oculos ponitur vita pendens in cruce, quoties homo pios oculos conjicit in imaginem aliquam Crucifixi, & ex ejus intuitu redditur memor dolorum quos Salvator noster sustinuit in Cruce. Sed quid inde sequetur? addit idem Moyses,

*Ertimebis die ac nocte.* Qui peccator ex aspectu crucifixi non timeat, si cogitet se fuisse causam tantorum dolorum &c. Si audiat effusum sanguinem, imo clavos, spinas, crucem clamare vindictam? Hujus mentis fuit S. Leo. ser. 8. de pass. *Isti nihil in crucifixo Domino præter factum suum cogitare possunt, habentes timorem, quo conscientia iniqua torquetur.* Sed salutaris est hic timor. Itaque si fortassis aliquis meorum sodalium actu esset in statu peccati mortalis, hunc rogo, ut antequam oret, inspiciat hoc igneum speculum, ut ad salutarem timorem; ab illo ad verum dolorem de peccatis moveatur.

§. 3.  
Memoria  
crucifixi  
provocat  
nostrum  
amorem.

Alter fructus est suavior, quem innuit alia lectio horum verborum, quæ sic habet. *Erit vita tuæ pendens ante te, & amabis die ac nocte.* Hæc est vera nota alicujus sodalis ex hac congregatione, die & nocte amare crucifixum; non amabimus autem, nisi sæpe igneum hoc speculum intueamur, nisi frequenter recordemur Passionis Christi. hoc agite: perpendite bene, quid sit, Christum pro nobis in cruce voluisse sustinere angustias mortis! mox amabitis, (hoc modo, fiat pulchra inductio.) Hoc fuit expertus S. Bernardus, cum ser. 20. in Cant. Christum in cruce pendentem his verbis fuit allocutus. *Super omnia reddis amabilem te mihi bone Iesu, calix quem bibisti, & opus nostræ Redemptionis. Hoc omnino amorem nostrum facile totum vendicat sibi. Hoc inquam est, quod nostram devotionem, & blandius allicit, & justius exigit, & arctius stringit, & afficit vehementius.*

§. 4.  
Profecutio.

Ob hanc causam SS. Patres SS. Crucem appellant Aram amoris, sed ubi sagitta? Christus pendens in cruce de se ait II. 49. v. 2. *Posuit me sicut sagittam electam.* O igneam sagittam! O sagittam acutam & penetrantem! ut exclamet S. Chrysost. *Ista sagitta vulneratus Petrus dicebat Christo, Domine tu scis quia amate te; ista sagitta, vulneratus Paulus, & convinctus Christo dicebat, ad Rom. 8. v. 35. Quis me separabit à caritate Christi. Ista sagitta vulnerata omnis casta Ecclesia, dicit, Vulnerata caritate ego sum. O gemitus de medio cordis amabilis.* O mi Jesu da mihi hanc gratiam, ut torculari crucis, ex sodalium meorum cordibus exprimam hos amabiles gemitus! Meus Iesus hoc ipsum desiderat, gratiam

gratiam suam offert, vestrum est, id facere. Quid hæres? quid tergiverfari? quid files? fare, dic, aspice prius hiantia vulnera, aspice sang. tuum dic cum S. Petro, Domine Jesu tu scis, quia amo te &c. Sic de S. Paulo & sponsa &c. *O gemitus de medio cordis amabilis.* Non dixi sine causa, Jesum velle à nobis diligi, nam refert Th. Cantipratanus Virgini dubix, num mundum an Christum diligeret, apparuisse illi Christum D. quasi plagis recentibus crucifixum. & *audivit illum leni sermone dicentem, me diligas. qui sum formosus, bonus, daleis, generosus.* p. Pro oculis illis, timebis, amabis, poni etiam potest, Orabis, hoc agite &c. fecit S. Ignarius, hinc illa orat. Anima Christi &c. Fecit S. Xaverius; hinc illa fervida suspiria O Deus, ego &c. Ut sic oremus, statim conijcite oculos in Christum crucifixum in schola Vulnerum Christi, ad radios ignei speculi crucifixi compositæ sunt illæ Oratiunculæ.

## EXHORTATIO XII.

MENSE DECEMBRI.

Ignæum speculum est SS. Cruz.

*Ignem veni mittere in terram, quid volo nisi ut accendatur.*

Luc. 12. v. 49.

### SYNOPSIS EXHORTATIONIS.

- |   |  |
|---|--|
| <p>§. 1. Breve compendium omnium Exhortationum anni 1666.</p> <p>§. 2. Christus D. pendens in cruce, confertur cum igneo speculo.</p> <p>§. 3. SS. Vulnera, sunt rima hu-</p> | <p>ius speculi, per quas flammæ amoris fortius erumpunt.</p> <p>§. 4. Centrum hujus speculi est Christus crucifixus.</p> |
|---|--|



§. 1.  
Brevecom-  
pendium  
exhortatio-  
num anni  
hujus 1666

**C**um Exod. 3. vers. 3. Moyſi apparuit Dominus in flamma ignis, in medio rubi, qui videbatur ardere, & tamen non consumebatur Moyſes ſtupore attonitus dixit, *Vadam & videbo viſionem hanc magnam.* Alia verſio ſic habet, *Vadam & videbo ſpeculum hoc magnam.* Dum voculam hanc nomino, non dubito, quin ultima exhortatione hujus anni 1666. quo varia ignita ſpecula oculis veſtris propoſui, elegantiffimum à me exſpectetis. Vulneratum cor crucifixi, imago crucifixi: Facies Chriſti in agonia montis Oliveti ſudans ſanguinem, eadem benedicta facies impreſſa ſudario S. Veronicæ, crucifixus ſuis amatoribus promittens aſſistentiam in morte, crucifixus ſolazium morientium, cruentum Chriſti latus: Clavi quibus cruci fuit affixus, divinus ejusdem ſanguis, tam copioſe pro nobis effuſus, memoria Jeſu crucifixi, plurimi ejusdem ferventiſſimi amatores, fuerunt ignea ſpecula, quibus ſodalium meorum animos in amore crucifixi; fui conatus inflammare. Ultimum, ſed ignitiſſimum hac exhortatione erit SS. Crux, in qua Chriſtus D. pro nobis ex infinito amore, mori voluit. Eamus cum Moyſe, & videamus hoc ſpeculum.

§. 2.  
Chriſtus D.  
pendens in  
cruce, con-  
ſeritur cum  
igneo ſpec-  
ulo,

Ignita ſive uſtoria ſpecula illa præcipuè vocantur, quæ concava ſunt, in quorum proinde concavitate radii ſolis magis uniuntur, & ſic fortius urunt & accendunt. Apud SS. Patres legi, Solem Juſtitia, vel ſolem amoris nunquam & nullibi, ita intendiſſe ardorem, ignem, lucem, ſcintillas & radios ſui amoris, ſicut cum pendit in cruce, unde non mirum eſt ſi SS. Crux, vel Chriſtus D. in cruce in rubo, ſive coronatus ſpinis, ita amatorum ſuorum corda inſtar ſpeculi urat, & accendat; Igniti radii, ignei hujus ſpeculi, ſive Chriſti D. pendentis in cruce fuerunt amoroſa illius ſuſpiria, quibus ſuſpiravit ad Patrem: ignea ſcintilla fuerunt tot gutta ſanguinis, quibus ſpeculum SS. Crucis cœleſtis ſponſus rubefcat. Ignei globuli fuerunt copioſiſſima lacryma, quibus hoc ſpeculum fuit irrigatum. Ardentes quaſi carbones fuerunt gutta lethalis ſudoris, qui ex omnibus membris Chriſti D. exſipit. Si tales radii, ſi tales ſcintilla, ſi tales globi, ſi tales carbones, de ſpeculo crucis decidan in cordano.